

無考。又唐書「劉德威子延景，終陝州刺史，睿宗初，以後父追贈尚書右僕射，陪葬乾陵，墓在陵南。」

按唐宗室傳，章懷太子賢，懿德太子重潤，與許王，義陽，公主，二傳，皆言陪葬乾陵，餘俱無。尚書右僕射劉延景傳，言陪葬乾陵，審禮傳無，延景、審禮子也。

附宋元祐游公唐高宗乾陵圖並趙楷乾陵圖說

乾○圖說

高宗乾陵，在奉天縣。宋元祐中，計使游公圖而刻之。防禦推官趙楷爲之記曰：「乾陵之葬，諸番之來助者，何其衆也。武后曾不知太宗之餘威遺烈。乃欲張大誇示來世。於是錄其酋長六十一人，各肖其形，鑄之瓊琰；庶使後人，皆可得而知之。」

石人背刻各人姓名，歲久漫滅，近得游公所刻四碑，而亡其一。每碑十六人。各寫其衣冠形迹，及其名爵。其不知者闕之。今錄可知及有闕字者凡三十九人于左：

左一碑，左二碑十人：「故左威衛大將軍兼金徽都督僕固乞突。左威衛將軍○○都督鼠○施處毒勤德。右領軍將軍兼于泉都督泥○○。小阿悉吉度悉波。故左衛大將軍兼燕○大都督葛塞旬。故右威衛將軍兼潔山都督突騎施傍斬。故右衛將軍兼頡利都督拔密幹藍羨。故左武衛將軍兼雙可○○○。舍提欲護斯。故左威衛大將軍兼延旬都督處木昆屈律強阿史那盎路，故右金吾衛將軍兼俱○都督。闕傍汗阿悉首那斬大首餘可汗頡利發。右一碑十三人：「故大可汗驃騎大將軍行左衛大將軍崑陵都護阿史那彌則一。故右驍衛大將軍兼龜茲都督龜茲王白素稽。故右武衛將軍兼○○○龜茲○白回地羅微○疎勤王

裴夷健密施○康○○泥涅師師十姓可汗阿史那斛瑟羅○吐渾青○○駙馬都尉慕容諾曷鉢
。右驍衛大將軍兼波斯都督波斯王卑路斯○十姓可汗阿史那元慶○吐渾樂○徒耶鉢○于
闐三尉琬琰○吐火○○子持勒羯達健」右二碑十六人：「石○○子石忽那。故左武衛大
將軍○○十姓衛官大首領吐纘利發○波斯大首領南味○本俱罕○○斯陀勒○。左威衛大
將軍兼堅昆都督結鬘鬘胤膚莫賀咄○吐蕃使夫論悉囊然○吐火羅護護咄伽○十姓大首領
鹽風○都督阿史那忠節○右金吾衛大將軍兼洶本都督五姓訥麵葉護昆職○默啜使移力貪
开達干○播仙城○河伏帝延○吐蕃大會長贊婆○默啜使葛邏噴達干○龜茲大首領那利自
阿力○碎。葉州刺史安車鼻施○○○」。狄仁傑以下六十人畫像姓名，今皆不存。其見
於奉天縣承趙藉繪像記者才二十九人焉。楷之記文，多不盡載。撮其大旨，畧曰：「唐
之諸帝，功烈如太宗明皇者，可謂成矣！宜其邱隴完固，及於無窮。今兵火之餘，荒墟
壞皿，瓦礫僅存，理亦宜也。獨高宗武后之陵，崇邱礪磚，上詣青冥，雙闕聳峙，丹青
猶在。是豈造物者有以扶護而致然耶？抑亦窮極國力，深規厚圖，使人未易窺耶？轉運
潘公，一日按部過乾陵，慨然興歎。乃錄高宗天后時朝臣六十人，重圖於陵所。其間忠

良骨鯁，高才俊逸如張說，蘇頲，狄仁傑，婁師德，劉仁軌，唐休，宋景，李嶠，賀知章，馬周，李昭德，王綝，張仁愿，崔神慶，李務光，張柬之，魏元忠，陸元方，李懷遠，畢誠景，杜佺，皆一代善士，固當紀者。若夫武三思，韋巨源，崔湜，武承嗣，蘇味道，封德彝之輩，回邪險佞，負國自謀；而皆繪形於壁；鑿記於石，丹青可渝，而晉惡之迹不可變。珉石可磨而勸戒之意不可泯，則斯名也，其與天地同於不朽哉？楷之記，在元祐七年六月吉日。

按陵圖及圖說由宋敏求長安志採入

僖宗靖陵 昭宗紀。文德元年十月辛卯，葬惠聖恭安孝皇帝於靖陵，龍紀元年，葬惠聖恭安孝皇后於靖陵。通志「在州東北十五里。」長安志「岑陽鄉鷄子堆封內四十里下宮。去陵五里，與乾陵相接，隔豹谷。」

按靖陵南有村名乳臺底下，即其故址。宋史禮志「凡山陵俱有乳臺。」唐禮志雖不載其制，而乾陵前亦有兩臺似乳形，俗名孀頭山。蓋祭陵時插旗幟之臺，則靖陵亦同此制。故村亦得此名也。前志乳臺載入古蹟，謂亦秦漢故址，殊失考。又按德宗貞元三年。

葬昭德皇后於靖陵，後徙祔崇陵。則靖陵於僖宗前四世已修治之矣！

狄梁公墓 通志「在乾陵下」關中陵墓志「狄梁公葬乾州北門外五里許。當乾陵東有知州戴聖聰所立墓碑。今縣東門外偏北里許，馬家坡東之墓。有乾隆間巡撫畢沅所立碑。文曰唐狄梁公之墓。又於墓下見一碑。文亦相同。係康熙五十七年戊戌仲夏陝西督學使者白山覺羅逢泰立。而城北五里之墓，並未尋得戴知州所立碑，則墓在馬家坡東信矣！

按河南通志：「洛陽金墉城及孟津縣西，俱有梁公墓。」而本傳不載葬所。公以功名終，應得陪葬。當以本境之墓爲是。

桑處士道茂墓 通志：「在州南，道茂有神術，後從德宗出幸，死於是，葬焉！」關中陵墓

志：「在南門外，有神道碑，」文曰：「唐國師桑道茂之墓。」今仆矣！

墓在城南乾武汽車路東南側，距城二百四

十步。距該路四十步。

金楊椽史振暨紫陽樊墓 通志：「在州東南十里。子奐名儒，官至學士，號紫陽先生。與父振葬同處。亦俱見元好問所撰墓碑。」

按墓在草谷村東南郊，二碑尙存，擬夫人程氏墓，在振墓側，今尙有墳地八畝，以供

祭祀。

元雁門招討使上官公墓 舊志：「公陣亡蒙諭葬所居宅第堂池間」乾陽外紀「未詳何時何事」墓在上官村南，

明贈宣武將軍趙遇墓 乾陽外紀：「原籍鳳陽府洪武中遷乾」墓在西鄉董城村。

宋尙書欽墓 通志：「在州南。」欽南京大理寺卿，贈刑部尙書。墓在縣城西南郊。

監察御史宇文鍾墓 在州南北仁村。

常侍御宗善墓 通志在新村里。

清王觀表墓 乾陽外紀：「康熙十三年，吳逆出終南山黑水峪，表應命覘之。為邏卒所獲，不屈死。事平，其族人鳳菴，負歸以葬」。墓在東王堡南。

中華民國

雷烈士墓 在十八里鋪南。墓前有祠堂。辛亥反正時，清陝西巡撫升允攻乾城，駐兵於此。

清帝遜位，允猶不罷兵。時張都督雲山守乾，部下雷坤山恒焱，禮泉人願往議和，即帶壯士

魏人傑一名前往。允最痛恨革命，一見怒不可遏。並不詢其來意，烈士遂被害。先後蒙難

者有，咸陽王德卿等數十人，同葬於此。後張都督爲立祠堂。有碑記。

附疑塚

蘇典屬國武墓 郡國志「武塚在好時縣東三十里」

按通志「墓在武功之守節鄉」與此異。長安志云「當以武功守節鄉爲是。」然縣境蘇子村相傳卽蘇子故居。則郡國志所云，不爲無因。姑記之，以備參考。

北周宇文陵 通志。「在好時縣東十五里」

吳妃陵 長安志「在好時西北二十里明月山下。」

按守文陵未詳北周何人之陵。吳妃亦未詳何代嬪妃。並存以備考。

廟寺

社稷壇 在小西門外北五里。周圍地五畝。舊有牆垣。今廢。

先農壇 在東門外里許。周圍地四畝九分。

雲雨風雷山川壇 在南門外三里。清嘉慶十七年。奉文改稱神祇壇。地四畝三分五釐六毫。

舊有房屋。今廢。

太白廟 在城西街。明天啓三年建。民國廿八年，撥爲省立乾縣中學校址。

火神廟 在縣東南五里平母村南。今設學校。

城隍廟 在西街。明正統二年修。萬歷間知州賈一敬重修，神稱輔德侯。清順治六年康熙二十七年，乾隆元年，道光三十年，屢經重修。有碑記。民國二十八年撥爲省立乾縣中學校址。一在關頭鎮，距城五十里。康熙四十八年修。

厲壇 在北門外一里。清道光間知州鮑珊創建，有碑記，回亂燬於兵；光緒初，知州夏與賢重修，今無。

崇聖祠 在學宮左。明萬歷三十四年州紳宋子春輸地一區。舊宇傾廢，清康熙五十五年署知州汪俊重建。向爲啓聖祠，供孔子之父叔梁公。雍正元年，改今名，追贈五代。乾隆四十年知州郭愈博，道光二十九年知州常瀚重新之。

關帝廟 在南門外，春秋享祀如儀。雍正三年，追封三代。民國三十年，改設乾縣簡易師範學校。

文昌宮 在學宮東，卽文明書院故址。清代屢經修葺，今僅存地基。

呂祖祠 在南門外關帝廟內；清嘉慶初年加封，改爲直省通祀，惟祭品不用牲牢。光緒元年。知州汪兆侗建。今移建學西巷。

劉猛將軍廟 在東街。神爲元指揮劉承忠。能驅蝗，元亡、自沈於河。雍正二年、奉旨廟祀。道光十六年、知州李希曾建有碑記。

八蜡廟 在東門內正街常平倉，今已改建縣倉。

馬王廟 在北街，舊爲遞運所，今曉鐘社在內。

名宦祠 在學宮左，祀唐賈隱林。蘇弁；宋杜衍；明趙時、李維祐；清戴聖聰、楊允昌、謝嵩齡、葉柳、田瑛等十人。

鄉賢祠 在學宮右、祀唐趙隱、趙植；元楊奐；明宋欽、宋廷佐、李時茂、王恭、步文政、趙天一等九人。

忠孝祠 在學宮西、祀唐啖榮祿、趙正晉、滑清秘；元上官公；明吳邦宦，陸大端、韓際泰、安吉、李維木、高應法等十人。

節義祠 在東街。清光緒二年、知州夏與賢重修。

文明書院祠 在學宮東。明萬曆十二年，知州李養棟創遺愛祠，祀知州趙時雨。二十六年，訓導蒲沾春請添祀陸宣公。天啓四年，知州歐陽燿重修，改今名，添祀楊紫陽。崇禎六年，知州楊殿元請添祀狄梁公。

狄梁公祠 在文廟東。今僅存遺跡而已。

渾忠武王祠 在南門內路東。明世法錄：洪武二十七年，四月，乾州同知史孟通上言，請有司春秋致祭，詔從之。今已傾圮，二碑移存敬業圖書館。

桑道茂祠 在城西，今廢。

趙公祠 在東街上家巷，祀明貢生趙天一，今廢。

戴公祠 在東街常平倉左，祀知州戴聖聰，今廢。

謝公祠 在常平倉左，祀知州謝嵩齡。清乾隆二十七年，知州陳大呂，建有碑記。舊有康熙御書賜公詩碑二座，今移去。一在縣政府二科，一在民教館。

楊文憲公祠 在城東街。明成化四年知州許珙建。

宋公祠 在西街宋家巷，祀明尚書宋欽及子知府廷佐。今設國民學校。

黎公祠 在文昌巷路南，祀明大司馬黎玉田。今僅存碑一，石獅二，及其遺跡而已。

竇氏雙烈女祠 在八蜡廟內。舊在城北四十里竇村。明宏治八年、巡按御史李公瀚、命建祠東門外，後移置於此。今縣倉卽其故址。

按以上各廟祠，清以前列入祀典，有通祀專祀之儀；歲以春秋諏吉致祭。

北塔寺 在縣西北塔村。漢武帝時建。

有邑人吳玉碑記載各村人民舊籍開啓情形

興化寺 在縣西南中巨村。唐貞觀八年建。元人有碑記。

興教寺 在縣南北田梁村。唐貞觀八年建。

興國寺 俗名王法寺。在城東南趙和村，唐貞觀八年建；金大定四年敕修；清康熙間重修。

薛祿寺 在縣東南薛祿鎮。唐德宗時建。通志作五代晉天福四年建。

靈感寺 在縣東北胡羅村。唐貞元元年建。

碧峯寺正峯寺 在縣東北五峯山。俱唐時建。

青陽觀 卽東嶽廟，在城東北隅，據碑建於唐，拓於宋。中有文柏古楸。今僅存遺跡

甘泉寺 在城東北注甘里。卽甘泉宮故址。金大定三年建。

婁敬廟 在城北明月山。有元無名氏碑。亦見永壽志。

顯聖廟 在縣西漠浴河，一名毛郎廟。毛讀爲三。地名毛郎溝。

興國寺 在城西北隅。元末毀於兵，惟正殿巍然存。明洪武間重新之，成化中，州民掘土得石匣，內玻璃瓶儲舍利子。僧正晤曉獻於朝；敕賜藏經，併還舍利藏於寶塔。知州許珙有記。正統四年，知州蘇璟捐修。寺內有甘井，一名御井；唐德宗行在所用。知州王鳳曾作亭表之。民國十七年駐軍拆毀，盡爲瓦礫。今正殿三間、偏殿三間、廡房二座，乃二十四年本巷紳耆募捐建築者。

元帝廟 在城北街演武場口。先是明知州馮時雨以城爲龜形，北首洩氣，移建北門外鎮之。清知州謝嵩齡仍復其舊。

三官廟 在城西街。明嘉靖年建。

龍岩寺 在武亭河北岸。東西有日照寺、月落寺。又龍塘口、卽附近地。舊有溫泉。明萬曆五年涸。乾陽外紀稱松石幽秀。境地頗佳。

鐵佛寺 在清涼山。明萬曆年鑄造。

靈源寺 在東鄉尹家莊北，上依高原，舊有泉，今竭矣！

司浪廟 在東街。舊志作四郎廟，非。今敬業小學即其故址

高廟 在司浪廟右。清乾隆十年增修文殊閣。今撥入敬業小學

吳山寺 在縣西北吳山，有元代碑一座，係蒙文。有紋柏一株，大圍許。

城垣

秦漢好時故城 秦初置，漢因之。在城東七里好時村，前志按縣東門外郭門久圯，有橫書「

好時舊治」石刻，墜泥塗中。蓋今縣東郭外，去好時故城之西郭不遠。

西晉好時故城 在舊好時南二里。當在今公路之南。

唐好時故城 在今縣東北六里。即隋太子莊陵城。宋好時即永壽縣南之好時里。在今縣西北三十五里。元併入州。

按好時凡四置。寰宇記以漢好時爲奉天縣北岑陽鄉。方輿紀要因之，謂即隋莊陵城。

均失攷。乾徵遺稿剖析言之，其說甚暢。惟弟辨漢唐好時之別，而於西晉再置；與北宋之別有好時，概未之及，故並著之。

齊難故城 舊志北路四十里一鋪三墩，坐落齊南村，疑即其地。南宮作難。

按乾徵遺稿引杜氏通典，姚興將齊南故城，南東北三面險絕，以為即齊南村地。但齊難城應在永壽縣西，相去尚數十里，是否存參。

漢西故城 後魏置縣漢水西，因名；在縣西巨州村，城址尚存數丈，極高厚，綿延溝下。蓋當時漢谷尚淺，城跨漢水兩岸。

按乾陽外紀云「漢西、上宜故城，近州城數里，基址不可考。」蓋失於採訪。張琨永壽志，舊有上宜里，以故上宜得名；後與彭村合，復名曰上彭。則漢西在今縣境，上宜不在今縣境也。

武都故城 今縣西南臨平鎮，即其故址。廣韻「魏文徙武都郡於美陽，今好畤縣界武都故城是也。」通志「北周移武都於周原郡」康對山武均志「縣西舊為周原」今臨平鎮即與毗連，向有武都里，其為武都之故址無疑。

按武都有二：後漢平仇池山築城，置武都鎮；與此武都無涉。

奉天故城 即今縣治，唐中宗嗣聖元年，置以奉乾陵。

武后號天皇大帝故縣名奉天

建中元年，德宗用桑道茂

言，詔京兆尹嚴郾發衆數千，及神策兵城之。子城周五里。

按即奉天舊縣城

羅城周十里有奇。

按即是年

新擴大 之城 歷代補築多失考。後于城圯，今城即羅城也。

威勝軍故城 唐乾寧中、覃王出鎮，建威勝軍。五代梁因以州爲軍。後唐罷軍，復爲州；即今縣城。清有威勝驛，尙襲軍名也。

醴州故城 本京兆奉天縣，舊置乾州。宋更名醴州。金復爲乾州。元明清皆因之。今改縣。柏城故址 陵有柏樹成行，遮護陵寢，謂之柏城。在陵南。唐德宗幸奉天，各路入援，詔議道所從出。渾瑊曰：「漠谷道險，不若自乾陵北，附柏城而行，營於鷄子堆。」

乾陵舊署 在乾陵下二里許，遺址尙存。土人謂之看墳司。

按前志載有一池陽故城。溫秀、寧彞故城。岐陽故城。「今考漢置池陽故城、在涇陽西北三里。溫秀一作溫宿。音秀漢溫秀國居此田牧，故名。後魏置溫秀寧彞二護軍。方輿

紀要：「永壽東南溫秀嶺，即溫秀護軍處。始光中，以池陽爲寧彞，亦兼今縣境。通志云：「故城在醴泉北。」唐初，析上宜置岐陽。通志「初置龍尾坡，又移瀟泉驛南十里。一以上三縣一軍，所轄區域，雖兼有縣境。今則疆域區分，其治城皆不在今境，故不備載。以存方志之體。」

宮殿

軒轅殿 舊志一在城南，一在好時村。括地志：「好時有軒轅殿，秦靈公作。」陝西資政錄
史稱：「皇帝遷徙無常，以兵壘為營衛之所。」或云秦時始建時郊天，似本於此。

梁山宮 史記秦本紀：「始皇幸梁山宮，見丞相車騎甚衆，弗善也。或告丞相損車騎。始皇
怒曰：「此中人洩吾語。」詔捕當時在旁者，皆殺之。」三秦記：「梁山宮多文石。一名

織錦城。一名織錦宮

望山宮 括地志：「北去梁山九里。」今陵北之梁山坊，蓋其故址。秦辟邪鏡、漢延壽鏡，
皆於此處出土，蓋故宮物也。

按辟邪鏡二，延壽鏡一，詳金石志。

甘泉宮 舊志注甘里井泉寺，即宮故址。東有始皇行宮，今臺基尚存。

按關中記：「甘泉。本秦之林光宮。漢武帝增廣之。在雲陽縣，與醴泉界。」舊志謂
甘泉非一宮。井泉寺故址。其餘宮也。雲陽去梁山百里。今之注甘聯居其中。當日車駕
巡幸，駐驛於此。故謂之餘宮。